



REPUBLIKA E SHQIPËRISË

BASHKIA PATOS
SEKTORI I PROKURIMEVE PUBLIKE

Nr. _____ Prot.

Patos, më 10/08/2026

PROCESVERBAL – Tipi i kontratës - Mallra

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: “Blerje bazë materiale për mirëmbajtjen e segmenteve rrugore”.

KODI PËRKATËS NË FJALORIN E PËRBASHKËT TË PROKURIMIT (CPV):

Bituminoze ose rreshpe naftë 09241000-0

Sinjalistikë rrugore 34992200-9

VLERA E FONDIT LIMIT: 3,671,395 (tre milion e gjashtëqind e shtatëdhjetë e një mijë e treqind e nëntëdhjetë e pesë) lekë pa TVSH, vënë në dispozicion nga të ardhurat lokale për vitin 2026, për objektin: **“Blerje bazë materiale për mirëmbajtjen e segmenteve rrugore”.**

Në bazë të nenit 21, pika 2, të Ligjit nr.162/2020 “Për prokurimin publik”, i ndryshuar, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor **Bashkia Patos** ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

a. *Formularin Përmbledhës të Vetëdeklarimit, sipas shtojcës 9;*

b. *Sigurimin e Ofertës, sipas Shtojcës 4;*

Argumentimi: Kërkesat e mësipërme bazohen në nenet 76, 82 dhe 83 të LPP, i ndryshuar, nenit 26, të VKM nr. 285, datë 19.05.2021 “Për miratimin e rregullave të prokurimit publik”.

2. Kandidati/Ofertuesi duhet të dorëzojë:

2.2. Kapaciteti ekonomik dhe financiar:

2.2.1. Për të provuar kapacitetet financiare dhe ekonomike, Operatori ekonomik duhet të paraqes xhiron vjetore për 3 (tre) vitet e fundit financiare 2023, 2024, 2025, ku vlera e xhiros për të paktën një nga vitet e periudhës së kërkuar duhet të jetë **jo më e vogël se 40% e fondit limit**. *Kriteri konsiderohet i përmbushur nëse operatorët ekonomikë arrijnë vlerën e xhiros minimale, pra vlerën e 40% të fondit limit, në të paktën 1 (një) vit të periudhës së kërkuar të tre viteve financiare.*

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, i ndryshuar, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i vlerës së kërkuar argumentohet si më poshtë:

$$3,671,395 \times 40\% = 1,468,558 \text{ Lekë.}$$

Shënim: Duke qenë se aktet ligjore dhe nënligjore parashikojnë një marzh për vlerën e xhiros që mund të kërkohej, autoritetet/entet kontraktore duhet të argumentojnë vlerën e kërkuar të xhiros brenda këtij marzhi.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në Ligjin nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, VKM-së nr. 922 datë 29.12.2014 "Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike". Në përcaktimin e vlerës së xhiros autoriteti kontraktor është referuar në pikën 2, gërma (c) të Nenit 43, Seksioni III të VKM nr.285, datë 19.05.2021 “Për miratimin e rregullave të prokurimit publik”.

2.2.2 Vërtetim lëshuar për shlyerjen e taksave dhe tarifave vendore të parashikuara nga Pushteti Vendor kështu e maturuara për vitin 2026, kudo ku operatori ushtron aktivitet, sipas regjistrimit në QKB, në përputhje me përcaktimet e ligjit nr. Nr.9632, datë 30.10.2006 “Për sistemin e taksave vendore”, i ndryshuar, lidhur me afatet e kryerjes së pagesave të caktuara nga njësitë e vetëqeverisjes vendore për vitin 2026.

(Në rastet e bashkimit të operatorëve ekonomik, çdo anëtar i grupit duhet të dorëzojë vërtetimin lëshuar nga Bashkia në të cilën është regjistruar sipas QKB-se).

Shënim: Kjo kërkesë përmbushet nëpërmjet paraqitjes nga operatorët ekonomikë të formularit përmbledhës të vetëdeklarimit, sipas shtojcës përkatëse të DST dhe dokumentacioni i kërkuar do të paraqitet nga ofertuesi i kualifikuar i pari përpara publikimit të njoftimit të fituesit dhe nisjes së afateve të ankimit.

Argumentimi: Kërkesa e mësipërme është përcaktuar bazuar në nenin 77, pika 3, e LPP, si dhe nenin 43, pika 6, të VKM nr. 285, datë 19.05.2021 “Për miratimin e rregullave të prokurimit publik” dhe në ligjin nr.9632, datë 30.10.2006 “Për Sistemin e Taksave Vendore” i ndryshuar, në ligjin nr.9920 datë 19.05.2008 “Për procedurat tatimore” i ndryshuar, neni 4, pika 2 d).

Referuar sa më sipër, njësitë e prokurimit gjykon se kriteri i vendosur nga autoriteti kontraktor lidhur me dorëzimin nga ana e operatorëve ekonomikë të vërtetimit të shlyerjes së detyrimeve

vendore per vitin 2025 prane bashkise/ve ku operatori ekonomik ushtron aktivitetin e tij është në përputhje me kuadrin ligjor në fuqi e konkretisht me ligjin nr.9632, datë 30.10.2006 për “Sistemin e Taksave Vendore” i ndryshuar. Të gjithë subjektet që ushtrojnë veprimtari biznesi kanë detyrimin ligjor të regjistrimit pranë Qendrës Kombëtare të Biznesit për të bërë të identifikueshëm vendodhjen e aktivitetit të tyre dhe për tju nënshtuar pagesës së taksave vendore të parashikuara shprehimisht në këtë ligj.

2.3 Aftësitë teknike dhe profesionale:

2.3.1 Operatori ekonomik duhet të paraqesë dëshmi për furnizimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 40% të vlerës së fondit të limit të kësaj kontrate.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a)** për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore ku shënohen datat, shumat dhe sasi të mallrave të furnizuara,
- b)** për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik”, i ndryshuar, dhe nenit 40, pika 4 (ose në rastin e procedurave të thjeshtuara në nenin 55, pika 4/b), të VKM nr. 285, datë 19.05.2021 “Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se ... % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

3,671,395 x 40% = 1,468,558 Lekë Lekë.

Shënim: Duke qenë se aktet ligjore dhe nënligjore parashikojnë një marzh për vlerën e kontratave të ngjashme që mund të kërkohet, autoritete/entet kontraktore duhet të argumentojnë vlerën e kërkuar të kontratave të ngjashme brenda këtij marzhi.

2.3.2. Operatori ekonomik duhet të vetdeklaroj se merr përsipër furnizimin (dorëzimin ngarkimin dhe shkarkimin) e mallit objekt prokurimi me kostot e veta, të cilat do të dorëzohen në magazinën e Ndërmarrjes së Shërbimeve Publike Patos në prani të komisionit të ngritur për marrje në dorëzim, sipas nevojave të autoritetit kontraktor. Operatori ekonomik fitues duhet të njoftojë Autoritetin Kontraktor 24 orë para dorëzimit të mallit. Baza materiale e kërkuar duhet të jetë në përputhje me zërat në preventiv, të cilat do të shoqërohen me dokumentacionin përkatës

që vërteton sasinë dhe cilësinë e materialit. Çdo material do të vlersohet dhe miratohet para marrjes në dorëzim nga komisioni i ngritur me urdhër të titullarit.

ARGUMENTIM: Kërkesa e mësipërme është përcaktuar bazuar në pikën 8, të nenit 40 të VKM nr 285 date 19.05.2021 “Per Miratimin e Rregullave te Prokurimit Publik”. Ky vetdeklarim kërkohet për ti vërtetuar dhe garantuar AK-së realizimin me sukses të kontratës përse i përket dorëzimit të mallrave objekt prokurimi.

2.3.3. Operatori ekonomik pjesëmarrës, për realizimin e kontratës dhe transportin e materialit, duhet të disponojë në pronësi ose me qera, mjetet e mëposhtme:

Nr.	Lloji i Makinerive	Pronësia	Njësia	Sasia e kërkuar
1.	Kamion vetshkarkues me kapacitet mbajtës mbi 20 ton	Pronësi ose me qira	copë	2 (dy)
2.	Kamion vetshkarkues me kapacitet mbajtës 10 – 20 ton	Pronësi ose me qira	copë	2 (dy)

- a. Për mjetet në pronësi duhet të paraqitet:
 - dokumenti që vërteton regjistrimin e mjetit: (akti i pronësisë);
 - leje qarkullimi;
 - çertifikatë e kontrollit teknik (e vlefshme);
 - siguracion mjeti (i vlefshëm);
 - çertifikatë për transport mallrash brenda vendit (e vlefshme).
- b. Për mjetet e deklaruara me qera duhet të paraqitet:
 - kontrata përkatëse noteriale e qerasë e cila duhet të jetë e vlefshme për të gjithë periudhën e realizimit të kontratës, objekt i këtij prokurimi;
 - dokumenti që vërteton regjistrimin e tij (akti i pronësisë)
 - leje qarkullimi; ç) çertifikaten e kontrollit teknik (e vlefshme)
 - siguracion mjeti (i vlefshëm);
 - çertifikatë për transport mallrash brenda vendit (e vlefshme).

Operatori ekonomik duhet të paraqesë një deklaratë për vendndodhjen e mjeteve ne pronesi ose me qera me qellim verifikimi nga Autoriteti Kontraktor gjate procesit te vleresimit te ofertave.

Argumentimi: Kërkesa e mësipërme është përcaktuar bazuar në pikën 4, të nenit të 77, të ligjit nr. 162, datë 23.12.2020 “Për prokurimin publik”, i ndryshuar, dhe pikës 5/ç nenit 40, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar, mjetet dhe pajisjet teknike, të nevojshme për ekzekutimin e objektit të prokurimit, që ka në dispozicion apo që mund t’i vihen në dispozicion operatorit ekonomik për të përmbushur kontratën. Këto mjete janë kërkuar nisur nga sasia e konsiduereshme e mallrave objekt prokurimi. Gjithashtu furnizimi i sasisë së materialit objekt prokurimi kërkon si nevojshmëri për realizimin e kontratës dy mjetet të cilët do të shkarkojnë materialin në prani të komisionit dhe stafit teknik të Ndërmarrjes së Shërbimeve Publike të cilët do të kryejnë proceset e tjera.

2.3.4. Operatori duhet të ketë kontratë furnizimi me prodhuesin e rërës bituminoze i cili duhet të ketë të gjithë dokumentacionin tekniko-ligjor për shfrytëzimin e karrierës me rërë bituminoze, si:

- leje minerare për rërë bituminoze
- leje mjedisore

Shënim: Kjo kërkesë përmbushet nëpërmjet paraqitjes nga operatorët ekonomikë të formularit përmbledhës të vetëdeklarimit, sipas shtojcës përkatëse të DST dhe dokumentacioni i kërkuar do të paraqitet nga ofertuesi i kualifikuar i pari përpara publikimit të njoftimit të fituesit dhe nisjes së afateve të ankimit.

Specifikime teknike:

Materialet duhet të plotësojnë kriteret dhe specifikimet e mëposhtme:

Kushtete dhe standartet që duhet të ketë rëra bituminoze që do të përdoret për shtrimin e rrugëve në territorin e Bashkisë Patos.

Rëra bituminoze duhet të sigurohet në një nga kantieret e licencuara për prodhimin dhe shitjen e rërës bituminoze.

- Rëra bituminoze duhet të jetë e një cilësie të mirë, brenda kushteve teknike për shtrimin dhe mirëmbajtjen e rrugëve.
- Përqindja e bitumit lidhës duhet të jetë 10% deri në 12%. Dhe duhet të jetë uniformë me rërën.
- Përpara se të transportohet në objekt duhet të përpunohet në kantier, të bëhet pastrim, shkrifërim dhe përzierje për të garantuar përqindjen uniforme të bitumit.
- Rërë në objekt duhet të jetë e pastër, pa përbërës të tjerë që dëmtojnë cilësinë si argjilë, gur, zhavor apo mbetje të tjera.
- Pesha specifike e rërës (pas përpunimit, pastrimit e përzierjes) duhet të jetë 1800-1850 kg/m³.
- Transporti dhe ngarkimi i rërës të bëhet me mjetet e përshtatshme.
- Rëra në objekt nga transportimi do të shpërndahet sipas një egrafiku dhe në bashkëpunim
- Trashësia e rërës bituminoze në gjendje të pangjeshur duhet të jetë 13-14 cm dhe në gjendje të ngjeshur duhet të jetë 9-10cm para rrulimit mbi sipërfaqen e rërës bituminoze shpërndahet granil guri të thyer me madhësi kokrrize 5-20mm

Rëra bituminoze duhet të kontrollohet në vendmarrje(karrierë) përpara se të ngarkohet në mjet duke parë paraprakisht:

- a. Përmbajtjen e mbeturinave inerte si dhëra, zhavore, copa shkëmbi etj, të cilat nuk lejojnë shtrimin e njëtrajtshëm të rrugës dhe rrulimin normal të saj.
- b. Kohën e gërmimit të saj nga momenti i ngarkimit në automjet e cila duhet të jetë jo më e madhe se 2 orë.
- c. Rëra bituminoze nuk duhet të jetë e gërmuar me parë dhe të mos jetë e konservuar në karriere pasi humbet vetitë fiziko-mekanike të saj.
- d. Temperatura gjatë shtrimit të rërës duhet të jetë jo më e vogël se 26⁰.

Rëra bituminoze nuk mund të shtrohet :

- a. Mbi sipërfaqe të pa pastruara mirë;
- b. Mbi sipërfaqe rruge me dhe', baltë, mbeturina etj;
- c. Mbi sipërfaqe asfalti;
- d. Mbi sipërfaqe të pa skarifikuar dhe të papastruar mirë;

Para hedhjes së rërës bituminoze në objekt duhet të kryhen punime paraprake në rrugë:

- a. Pastrimi i rrugës nga dherat, bimët apo papastërtitë e ndryshme;
- b. Mbushja e gropave të rrugës me çakëll, stabilizant apo granil;
- c. Nivelimi dhe rulimi i nënshtresës me pjerrësi të përcaktuar;
- d. Konturimi i rrugës për të mbajtur gjerësi të njëjtë në të gjithë segmentin;

- e. Rulimi i materialit duhet të bëhet me rrul me kompresor nga 4 deri 8 ton;

Gjatë shtrimit të rrugës me rërë bituminoze duhet të mbahet dokumentacioni si më poshtë:

1. Planvendosja e rrugës;
2. Tabela e përgjithshme ku janë të pasqyruara parametrat si gjatësi, gjerësi dhe trashësi;
3. Të mbahet situacioni i punimeve të kryera;
4. Fotografi gjatë kryerjes së punimeve.

Kufizues shpetjesie 500x350x50mm

Materiali: Gomine e forte dhe shumë rezistentë ndaj peshës së automjeteve

Përmasa: 500mmx350mmx50mm

Ngjyra: e verdhë dhe e zezë

Mbyllës anësor për kufizues shpejtësie

Materiali: Gomine e forte dhe shumë rezistentë ndaj peshës së automjeteve

Përmasa: 250mmX350mmX50mm

Ngjyra: e verdhë dhe e zezë

NORMAT TEKNIKE TË SINJALISTIKËS HORIZONTALE

- **Përshkrimi**

Vijëzimi në rrugë konsiston në aplikimin e vijëzimeve rrugore në sipërfaqen e asfaltuar dhe të pastruar paraprakisht nga papastërtitë dhe pluhurat, në perputhje me vendndodhjen dhe dimensionet e paraqitura në vizatim ose nën drejtimin e inxhinierit të ngarkuar. Referencat përkatëse ndodhen në Rregulloren e Kodit Rrugor të Republikës së Shqipërisë.

Aplikimi: Boja përpara përdorimit duhet të përzihet mirë dhe kushtet atmosferike të jenë në një temperaturë mbi 5°C. Norma e harxhimit 1.4 – 2kg/m² (komponenti A+B+katalizator). Koha e tharjes <30 min. Kontraktori duhet të dorëzojë një sasi prej 1 kg bojë për komponentin A, B dhe 1kg katalizator, nga të cilat do të përdorë sëbashku me specifikimet teknike të fabrikës dhe normat e konsumit dhe garancinë e jetëgjatësisë së vijës së shënuar. Ngjyra duhet të jetë ngjyrë e bardhë puro. Ngjyra pas aplikimit duhet ti rezistojë kohës (e thatë, e lagësht dhe me shi).

Bojërat e përdorura nuk duhet të absorbojnë graso, vajra, njolla të asnjë tipi dhe të ketë një përbërje kimike të përshtatshme që edhe në periudhën e mëpasme nuk duhet të ketë shenja të depërtimit të substancave bituminoze të shtresave asfaltike të rrugës. **Vijëzimi gjatë kohës së tharjes nuk duhet të shkelet nga automjetet.** Koeficienti i ashpërsisë nuk duhet të jetë më pak se 60% e sipërfaqes së pavijëzuar.

Tharje: Koha e ngurtesimit dhe kalueshmerise varet nga temperatura e ambjentit nga ajo e siperfaqes rrugore dhe nga trashesia e vijes.

Specifikimet dhe kriteret teknike u hartuan nga **DRJETORIA E ZHVILLIMIT TË TERRITORIT DHE EMERGJENCIVE CIVILE** duke marrë në konsiderate nevojat e Autoritetit Kontraktor, ne perputhje me percaktimet e nenit 36 “Specifikimet teknike” te Ligjit Nr.162/2020, date 23.12.2020 “Per prokurimin publik”, i ndryshuar, e nenit 40 pika 2, si edhe te Nenit 44 “Kerkesat e cilesise” te VKM nr.285, datë 19.05.2021 “Për miratimin e Rregullave të Prokurimit Publik” i ndryshuar.

Në përfundim, Njësia e Prokurimit vendosi unanimisht miratimin e dokumenteve të tenderit dhe si afat përfundimtar për dorëzimin e ofertave përcaktoi datën **21/08/2026, ora 09:00.**

I. Për të krijuar dosjen e tenderit në sistemin e prokurimit elektronik të APP dhe për të ngarkuar të gjithë dokumentacionin e procedurës së prokurimit me objekt **“Blerje bazë materiale për mirëmbajtjen e segmenteve rrugore”.**

II. Njësia e Prokurimit autorizoi personin përgjegjës për prokurimin anëtar në NJP.

Bashkëlidhur këtij procesverbali:

Dokumentat e tenderit.

NJESIA E PROKURIMIT

Florian Kita

Boreta Murati

Imela Halimi